



Broj: 05/7-50-13-218-41/18

Sarajevo, 26. 9. 2018.

Z A P I S N I K

41. sjednice Vijeća nacionalnih manjina BiH, održane 26. 9. 2018.

Sjednica Vijeća nacionalnih manjina BiH počela je u 13.10 sati i održana je u Doboju.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, prvi zamjenik predsjedavajućeg Vijeća nacionalnih manjina BiH, Jakob Finci, Marija Grbić, Dejan Piotrovski, Jovanka Manzalović-Šalaka, Dragan Marković, Velibor Kuvač, Todorka Jovanović, Vjeročka Gajić, Silvija Vujović, Eva Pašić-Juhas, Nedžad Jusić, Hakan Varan i Mladen Radmilović.

Sjednici nisu prisustvovali: Halil Bicaj, Tijana Vučurević i Davor Ebner.

Sjednici su, također, prisustvovali: Aleksandra Jarić, predstavница Ministarstva za ljudska prava i izbjeglice BiH, Zoran Brkić iz Sektora za odnose s javnošću Parlamentarne skupštine BiH, Aida Kreho, sekretarka Zajedničke komisije za ljudska prava, Branislava Vignjević, stručna savjetnica u Zajedničkoj komisiji za ljudska prava, i Ajdin Selimović, volonter u Zajedničkoj komisiji.

Tokom rasprave o prijedlogu dnevnog reda članica Vijeća Eva Pašić-Juhas predložila je da se pod tačkom Razno razmatra finansiranje rada udruženja nacionalnih manjina u Bosni i Hercegovini.

Prijedlog je jednoglasno usvojen, te su članovi **jednoglasno** prihvatili sljedeći dopunjeni

D N E V N I R E D

1. Usvajanje Zapisnika 40. sjednice Vijeća nacionalnih manjina BiH;
2. Razmatranje Prijedloga kriterija za izbor članova Vijeća nacionalnih manjina BiH;
3. Razmatranje Plana posjeta općinama/gradovima u BiH;
4. Razno:
 - a) Informacija sa sastanka o položaju nacionalnih manjina u BiH povodom izbora 2018, održanog 7. 9. 2018,
 - b) Informacija o službenoj posjeti Mađarskoj,
 - c) Razmatranje finansiranja rada udruženja nacionalnih manjina u Bosni i Hercegovini.

Ad. 1. Usvajanje Zapisnika 40. sjednice Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček, otvorio je raspravu o ovoj tački dnevnog reda. Nije bilo rasprave o navedenoj tački dnevnog reda.

Članovi Vijeća nacionalnih manjina **jednoglasno su usvojili** Zapisnik 40. sjednice.

Ad. 2. Razmatranje Prijedloga kriterija za izbor članova Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda i tom prilikom konstatirao da su, osim njega, prijedloge kriterija za izbor članova Vijeća nacionalnih manjina BiH dostavili: Nedžad Jusić, Mladen Radmilović, Hakan Varan, Velibor Kuvač i Todorka Jovanović.

Prije prelaska na raspravu o predloženim kriterijima članovi Vijeća prihvatili su da se o svakom kriteriju posebno glasa i da prijedlog koji dobije najviše glasova bude prihvaćen. Naglašeno je da su kriteriji podijeljeni na opće i preporučene kriterije.

U raspravi su učestvovali: Tihomir Knežiček, Jakob Finci, Nadžad Jusić, Mladen Radmilović, Hakan Varan, Andrija Svatok, Velibor Kuvač, Jovanka Manžalović-Šalaka, Eva Pašić-Juhas, Dejan Piotrovski, Todorka Jovanović, Marija Grbić, Dragan Marković i Silvija Vujović.

Nakon rasprave, članovi Vijeća nacionalnih manjina BiH usvojili su sljedeće kriterije:

I. Opći kriteriji

1. Kandidat mora biti državljanin BiH, što je **jednoglasno usvojeno**
2. Kandidat mora biti stariji od 18 godina, što je **jednoglasno usvojeno**

3. Kandidat mora biti član aktivnog udruženja nacionalne manjine kojoj pripada – što je **jednoglasno usvojeno**
4. Kandidat mora potpisati Izjavu o pripadnosti nacionalnoj manjini za koju se kandidira – što je **jednoglasno usvojeno**;

II. Preporučeni/dodatni kriteriji

1. Kandidat poznaje ustavnopravni okvir Bosne i Hercegovine i međunarodne konvencije u domenu zaštite ljudskih prava i prava manjina – što je **jednoglasno usvojeno**
2. Kandidat posjeduje praktično iskustvo u domenu zaštite ljudskih prava i prava manjina – što je **jednoglasno usvojeno**
3. Kandidat aktivno učestvuje u projektima i radu udruženja koja se bave pitanjima nacionalnih manjina - što je **jednoglasno usvojeno**
4. Kandidat uživa podršku aktivnih udruženja nacionalne manjine kojoj pripada uz prilaganje godišnjeg finansijskog izvještaja za prethodnu godinu - što je **jednoglasno usvojeno**
5. Kandidata za člana Vijeća mogu predlagati i savezi udruženja nacionalnih manjina, a da garantiraju da su predloženi kandidati istinski predstavnici nacionalne manjine - što je usvojeno **sa 14 glasova „za“ i jednim glasom „protiv“**
6. Kandidat ne može istovremeno biti član drugog vijeća nacionalnih manjina na bilo kojem nivou vlasti u Bosni i Hercegovini, odnosno ako je kao član izabran u više vijeća na različitim nivoima vlasti u Bosni i Hercegovini, mora se odlučiti u kojem će vijeću djelovati kao član, a na ostale pozicije dati ostavku - što je usvojeno **sa 11 glasova „za“ i četiri glasa „protiv“**.

Nakon razmatranja ove tačke dnevnog reda, sjednica Vijeća nacionalnih manjina BiH završena je zaključkom da se ostale tačke dnevnog reda razmatraju na sljedećoj, 42. sjednici, Vijeća nacionalnih manjina BiH.

Sjednica Vijeća nacionalnih manjina BiH završena je u 15.10 sati.

Sastavni dio Zapisnika je tonski snimak 41. sjednice Vijeća nacionalnih manjina BiH.

**Stručna savjetnica u
Zajedničkoj komisiji za ljudska prava
Branislava Vignjević**

**Predsjedavajući
Vijeća nacionalnih manjina BiH
prof. dr. Tihomir Knežiček**